



Broj: 05-04-20-93-4/26
Maglaj, 11.02.2026. godine

Na osnovu člana 70., u vezi sa članom 64. stav (1) tačka a) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-93-3/26 od 11.02.2026. godine, u postupku javne nabavke „Modernizacija podloge dječijeg igrališta u Gradskom parku“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i ugovor o nabavci radova na modernizaciji podloge dječijeg igrališta u Gradskom parku, dodjeljuje se ponuđaču „Flex Invest“ d.o.o. Sarajevo, u skladu sa ponudom broj P-2026-27 od 02.02.2026. godine, po ukupnoj cijeni od 51.674,40 KM bez PDV-a, odnosno 60.459,04 KM sa uračunatim PDV-om.

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-93/26 od 21.01.26. godine, pokrenut je postupak javne nabavke „Modernizacija podloge dječijeg igrališta u Gradskom parku“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-13-3-11/26 od 21.01.2026. godine. Sažetak obavještenja o nabavci objavljen je u „Službenom glasniku BiH“, broj 5/26.

Procijenjena vrijednost nabavke je 53.846,15 KM bez PDV-a, odnosno 63.000,00 KM sa PDV-om. Kriterij za dodjelu ugovora je ekonomski najpovoljnija ponuda, sa potkriterijima „cijena“ (ukupno 98 bodova) i „rok plaćanja“ (ukupno 2 boda).

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da je blagovremeno zaprimljeno pet ponuda, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	"Flex Invest" d.o.o. Sarajevo	Braće Mulića 79, Sarajevo	09.02.2026. 08,50h	1006
2.	"IstraCom" d.o.o. Sanski Most	Industrijska zona – Zelena bb, Sanski Most	10.02.2026. 11,31h	1075
3.	"DKM gradnja" d.o.o. Maglaj	Viteška bb, Maglaj	10.02.2026. 14,51h	1101
4.	"Glovis" d.o.o. Zenica	Zmaja od Bosne bb, Zenica	11.02.2026. 07,02h	1109
5.	"Hajdić" d.o.o. Maglaj	Misurići bb, Maglaj	11.02.2026. 08,21h	1117

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je prihvatljivim ocijenila ponude ponuđača "Flex Invest" d.o.o. Sarajevo, "IstraCom" d.o.o. Sanski Most i "Glovis" d.o.o. Zenica.

Komisija je neprihvatljivim ocijenila ponude ponuđača "DKM gradnja" d.o.o. Maglaj i „Hajdić“ d.o.o. Maglaj, iz razloga što imenovani ponuđači nisu uspjeli dokazati da posjeduju ranije iskustvo u izvođenju radova koji su srodni radovima koji su predmet ove nabavke, kako je to zahtijevano tenderskom dokumentacijom.

Naime, kao dokaz za posjedovanje relevantnog iskustva, ponuđač "DKM gradnja" d.o.o. Maglaj je dostavio:

- Potvrdu Općine Zavidovići, broj 03-45-17-288/21 od 02.11.2021. godine, o izvršenom ugovoru o izvođenju radova na adaptaciji objekta Dječijeg vrtića u CO-WORKING CENTAR;
- Potvrdu Općine Tešanj, broj 04-45-2-653/23 od 21.03.2023. godine, o izvršenom ugovoru o izgradnji volijere 4. u Azilu za pse u Tešnju;
- Uvjerenje Općine Maglaj, broj 05-45-1-658/24 od 30.04.2024. godine, o izvršenom ugovoru o izvođenju radova na sanaciji eksterijera doma MZ Misurići.

Komisija je u zapisniku konstatovala da se iz dostavljenih potvrda ne vidi iskustvo u realizaciji radova na podlozi igrališta, nego se isti odnose na adaptacije i sanacije objekata, te

izgradnju volijere, što nije srodno sa radovima koji su predmet ove nabavke, a koji se u preovladavajućem dijelu odnose na ugradnja gumene podloge na pripremljenu AB podlogu.

Kao dokaz za posjedovanje relevantnog iskustva, ponuđač "Hajdić" d.o.o. Maglaj je dostavio Uvjerenje Općine Maglaj, broj 05-19-13-145/26 od 30.01.2026. godine, o izvršenom ugovoru o vanjskom uređenju Trga Alije izetbegovića-Stari grad Maglaj, I, II i III faza po okvirnom sporazumu. Komisija je u zapisniku konstatovala da se iz dostavljene potvrde ne vidi iskustvo u realizaciji radova na podlozi igrališta, nego se ista odnosi na vanjsko uređenje trga, što uključuje pripremne i zemljane radove, iskope i nasipe, kolovoznu konstrukciju, popločavanje betonskim pločama, izradu asfalta, odvodnjavanje, građevinske i zanatske radove, radove na fontani, radove na ogradi gradskog mosta, javnu rasvjetu, vodovodne instalacije, saobraćajnu signalizaciju i opremu, te opremu-mobilijar. Navedeni radovi nisu srodni sa radovima koji su predmet ove nabavke, a koji se u preovladavajućem dijelu odnose na ugradnja gumene podloge na pripremljenu AB podlogu.

Nakon odbacivanja ponuda ponuđača „DKM gradnja“ d.o.o. Maglaj i „Hajdić“ d.o.o. Maglaj, Komisija je izvršila rangiranje preostale tri prihvatljive ponude u skladu sa kriterijima i metodologijom utvrđenom u tenderskoj dokumentaciji, s obzirom da u predmetnom postupku nije planirano provođenje e-aukcije. Konačna rang lista, prema kriteriju za izbor ponude je sljedeća:

r/ b	Naziv ponuđača	Cijena (bez PDV-a)	Bodovi po kriteriju cijena	Rok plaćanja	Bodovi po kriteriju rok plaćanja	UKUPAN BROJ BODOVA
1.	"Flex Invest" d.o.o. Sarajevo	51.674,40	98,00	60 dana	2	100
2.	"IstraCom" d.o.o. Sanski Most	52.100,00	97,20	60 dana	2	99,20
3.	"Glovis" d.o.o. Zenica	52.364,10	96,71	60 dana	2	98,71

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na modernizaciji podloge dječijeg igrališta u Gradskom parku dodijeli ponuđaču „Flex Invest“ d.o.o. Sarajevo. Preporuka je, zajedno sa izvještajem o radu Komisije, dostavljena rukovodiocu ugovornog organa 11.02.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svernu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković